

Namminersorlutik Oqartussat  
Kommune Kujallerlu  
Piareersarfinnik  
ingerlatsinissamut kiffartuussinissamut  
isumaqatigiissutaat  
2015

Inuussutissarsiornermut, Suliffeqarnermut Niuernermullu Naalakkersuisoqarfik, 2015

## Imarisai

1. Aallarniut.....	3
2. Inatsisitigut killissarititaasut .....	3
3. Tunuliaqut.....	4
4. Siunertaq.....	5
5. Anguniagassaq .....	5
6. Piareersarfiit siunnerfigisaat suliaqarfissatut .....	6
7. Suliassat .....	6
8. Inernerisassatut anguniakkat.....	9
9. Nalunaarusiortarneq.....	9
10. Nakkutilliineq .....	10
11. Sulisut.....	10
12. Suliffittut aaqqissuussaanera.....	11
13. Aningaasaqarneq .....	11
14. Akerleriissutit, maleruaannginnerit aamma kalerriisarnert .....	13
15. Atuutilernera, atortussaaitaanera, isumaqatigiinniutigineqaqqinnera aamma atorunnaarsinnera .	14

## 1. Aallarniut

Killissarititaasut pillugit matumani isumaqatigiissut malillugu Kommune Kujalleq Namminersorlutik Oqartussanut suliaasaatut anguniagassaatu pisussaaffigisai aalajangersarneqarput. Namminersorlutik Oqartussat pineqartunut ingerlatsinermut ukiumoortumik tapiissuteqartarput. Isumaqatigiissut Kommune Kujalleq aamma Namminersorlutik Oqartussat akornanni suleqatigiinnissamut tunngaviuvoq, taamatullu illuatungeriinnut pineqartunut aqutsinermi sakkussatut atorneqassalluni. Isumaqatigiissummi pineqarput kommunip Piareersarfimmu atillugu tassaniluunniit suliaasai, tunngaviusussat ingerlatsinermut Namminersorlutik Oqartussanit tapiissuteqarsinnaanissamut.

Isumaqatigiissut ukioq ataaseq atuuttussaatinneqarpoq, atuutissaarlu piffissami 1. januar 2015-miit 31. december 2015-p tungaanut.

Ingerlatsinermut tapiissutit, inernerisassatut anguniakkat ilinniartullu amerlassuserisartagassaat immikkut nassuiaaserneqarput *ingerlatsinermut tapiissutit inernerisassatullu anguniakkat pillugit isumaqatigiissummut immikkut ilanngussami*, taamatullu 2015-mut atuutitinnegartussami.

## 2. Inatsisitigut killissarititaasut

Piareersarfinni aqqissuussaasartussanut inatsisitigut qaqugukkulluunniit tunngaviusussat malinneqartuassapput. Isumaqatigiissusiornermi inatsisitigut tunngavigisassaritinnegartut ukuupput:

- *Kalaallit Nunaannut suliffissarsiortut killilersimaarnissaat pillugu Inatsisartut inatsisaat nr. 27 30. oktober 1992-imeersoq.*
- *Suliffeqarnermi innersuussisarneq il. II. pillugit Inatsisarsut Inatsisaat nr. 5, 8. Juni 2014-meersoq*
- *Ilinniagaqarnersiutit pillugit Inatsisartut inatsisaat nr. 12 22. november 2011*
- *Kalaallit Nunaanni ilinniartitaanermut inuussutissarsiutinillu siunnersuisarneq pillugu Namminersorlutik Oqartussat inatsisaat nr. 4, 29. november 2013-meersoq*
- *Inuussutissarsiutinik ilinniartitsinerit aamma inuussutissarsiutinik ilinniartitsinerup iluani pikkorissaanerit pillugit Inatsisartut inatsisaat nr. 10, 19. maj 2010-meersoq*
- *Suliffeqanngikkallarnermi ikiorsiissutit pillugit Inatsisartut inatsisaat nr. 2, 15. Maj 2014-meersoq*
- *Aningaasanut ukiumoortumik inatsisissatut Inatsisartunit aalajangiussaq.*
  
- *Inuussutissarsiutinut ilinniartitaanerit inuussutissarsiutinullu pikkorissartitsisarnerit pillugit Inatsisartut peqqussutaata allanngortinneranik Inatsisartut peqqussutaat nr. 1, 16. Maj 2008-meersoq (Inuussutissarsiutinut pikkorissartitsisarnerni tapiissuteqartarnermut inatsisini pineqartut annertusineqarnerat, sungiusaammik sulinermi akissarsianut maleruagassat, kiisalu suliaaqqarfiup allanngorneranut tunngatillugu erseqqissaatit)*
- *Inuussutissarsiutinut ilinniartitaanerit inuussutissarsiutinullu pikkorissartitsisarnerit pillugit Inatsisartut peqqussutaata allanngortinneranik Inatsisartut peqqussutaat nr. 11, 18. December 2003-meersoq (Sungiusarluni sulinermi tapiissutinut tunngatillugu malihsigisaanik allannguutissat)*
- *Piginnaangorsaaqqinnissamut ikiorsiisarneq pillugu Inatsisartut peqqussutaat nr. 4, 31. maj 2001-imeersoq, aammalu piginnaangorsaaqqinnissamut ikiorsiisarneq pillugu Inatsisartut peqqussutaata allanngortinnera pillugu Inatsisartut peqqussutaat nr. 3, 1. juni 2006-imeersoq.*

- *Suliffissaaleqisunik sulilersitsiniarneq pillugu Inatsisartut peqqussutaat nr. 14, 12. november 2001-imeersaq.*
- *Meeqqat atuarfianni inaarutaasumik naliliineq pillugu Namminersornerullutik Oqartussat nalunaarutaat nr. 3, 16. oktober 2009-imeersaq*
- *Piareersarfinni qitiusumik ingerlatsiviit suliarnikk ingerlatsinerat il.il. naliliisarneq pillugu Namminersornerullutik Oqartussat nalunaarutaat nr. 17 ulloq 16. oktoberi 2007*
- *Suliffeqarnermut, suliffissarsiortut ilinniagaqalarniartullu sulilersinneqartarnissaannut kiisalu Kalaallit Nunaannut suliaortartunut tunngasunik kommunalbestyrelsit paasisitissanik nalunaaruteqartarnissaat pillugu Namminersornerullutik Oqartussat nalunaarutaat nr. 20, 19. novembari 2007-imeersaq*
- *Ilinniagaqarnermut pillugit Namminersornerullutik Oqartussat nalunaarutaat nr. 21, 13. marts 2012-meersaq*
- *Nuttarnerulersitsiniarluni tapiissutit pillugit Namminersorlutik Oqartussat nalunaarutaat nr. 24, 25. august 2008-imeersaq.*
- *Inuussutissarsiutinut pikkorissartitsisarnermut tapiissutit pillugit Namminersornerullutik Oqartussat nalunaarutaat nr. 21, 1. juli 2008-imeersaq*
- *Karakteriliisarnermi tulleriinnilersuineq allatullu naliliisarneq pillugit Namminersornerullutik Oqartussat nalunaarutaat nr. 14, 23. Juni 2008-meersaq*
- *Inuussutissarsiornermut, Suliffeqarnermut Niuernermullu Naalakkersuisoqarfimmut nalunaarsuisarneq pillugu najoqqutassiissut.*

### 3. Tunulliaqut

Suliffinnik innersuussisarneq pillugu Inatsisartut peqqussutaat nr. 5, 8. juni 2014-meersaq naapertorlugu Kommune Kujalleq kommunalbestyrelsi Ilitersuillunilu aqutissiuussisarfirmik pilersitsisimassaaq. Ilitersuillunilu aqutissiuussisarfii matuma kinguliini Piareersarfittut taaneqarput.

Piareersarfii tassaapput ataatsimoorussamik suliffeqarfiusut ukuningalu tunngaviusumik anguniagaqartussat:

- *Ilinniartitaaneq pillugu tamanut atuuttumik ilitersuisarneq aammalu inuussutissarsiutinut ilinniartitaanermi lærlingnut immikkut sammisumik sungiusarlutik sulisunut ilitersuisarneq.*
- *Piginnaasaqarnerulernissamut ingerlatsillunilu pikkorissartitsisarnerit.*
- *Inuussutissarsiutinut aqutissiuussineq*

Kommunalbestyrelsitaaq aalajangersinnaavaa Piareersarfii makkunanga suliassinneqassasut:

- *Suliffissarsiussisarneq*

Kommunalbestyrelsip aalajangigaanik Piareersarfii taaneqareersunik suliassinneqarsimappata, kommunimut suliffeqarneq, ilinniartitaaneq aamma piukkunnarsarneq pillugit siunnersorneqarnissamik saaffiginnissutit Piareersarfinnut innersuunneqartassapput. Tamanna matumik ataatsimik

periuseqarnermik taaneqartarpoq, tassallunilu Piareersarfiit sulineranni tunngaviusoq, tak. § 12 suliffittut aqqissusnaanermut tunngasoq.

#### 4. Siunertaq

Piareersarfimmik pilersitsinermit tunngaviusumik anguniagaasusaaq tassaavoq suliassat pineqartut akornanni ilitersuillunilu ataqaatigiisaaarisarnerup pitsaanerulernissaat, taamaasilluni ilitersorneqarnissamik noqqaasumut suliffeqarneq, ilinniartitaaneq piginnaasaqarnerulernissarlu pillugit ilitersorneqarlunilu paasissutissinneqarsinnaanissaq pisariinnerulersikkumallugit. Tamanna tunngavigalugu tunngavissaritinneqarpoq inuusuttut pineqartunut tiguneqarnissaminnik qinnuteqartartut, taamatullu piginnaasaqarfigilikkamik ilinniagaqalersartut amerlanerulernissaat, taamatullu sulisorineqarsinnaareersut suliffeqarnermi atugarisaasunut sammisumik piginnaasaqarnerulernissaat. Taamatuttaaq aamma tunngavissaritinneqarpoq ilinniartitaanerni taamaatitsiinnartarnerit annikillilerneqassasut pitsaanerumik ilitersuisarnikkut. Tunngaviusumik anguniakkat immikkoortunut anguniakkanut ukununga immikkuualuttunngortinneqarsinnaapput:

- Sulisorineqarsinnaasut piginnaasaqarnerulernissaat.
- Inuusutissarsiutinut ilinniartitaanernut ilinniartitaanernullu allanut qinnuteqaateqartartut piginnaasaqartut amerlanerulersinnissaat.
- Ilinniakkaminnik naammassinnittartut procentinngorlugu amerlanerulernissaat.
- Sulisorineqarsinnaasut akornanni agguataarnerit allanngornissaat, suliamik ilinniagarsimasut imaluunniit sulinerikkut ilikkagaqarsimasut amerlanerulersillugit.

#### 5. Anguniagassaq

5.1 Naalakkersuisut anguniagaraat ukioqatigiinnit 2015-imit meeqqat atuarfianni naammassisunit 70%-it 35-nik ukioqalertinnatik inuusutissarsiutaalersinnaasumik ilinniarsimassapput. Tamanna tunngavigalugu Naalakkersuisut kissaatigalugulu takorluugaraat kommunini Piareersarfiit anguniagassamut tamatumunga aalajangiisooqataasinnaanissaat, tamatumani Piareersarfiit ilinniartitaanerup, suliffeqarnerup aamma inuusutissarsiutit akornanni attaveqaatitut atuuttussaammata.

5.2 Inuusutissarsiutinik ingerlataqarfiusut sulisunik piginnaasalinnik pisariaqartitsillutillu noqqaanerit tunngavigalugu inuusutissarsiutinut ilinniartitaanerit taamatut ilinniagaqarnissamut atasumik tiguneqarsinnaanissamut piumasaqaateqartarput. Anguniakkatullu aqqissuussat piviusunngortitsivigisinnaajumallugit Piareersarfiit ilaatigut ilitersuillutillu aqqutissarsiussisarnermikkut, imaluunniit AEU-mi<sup>1</sup>, meeqqat atuarfiannit soraarummeersimaneq imaluunniit atuakkanut tunnganngitsunik pikkorissarneq aqqutigalugit piginnaasaqarfiulersumik ilinniagaqarnissamut qinnuteqartut ataasiakkaat piginnaasaqarnerulersissinniassavaat. Kommunalbestyrelsillu Piareersarfinni sulisut pingaarnertut suliassanik assigisaannillu isumaginnissinnaanissaannut piginnaassutisnik ingerlaavartumik porsaallutillu ineriartortitsisassapput.

<sup>1</sup> AEU: Anerkendt Erhvervsintroducerende Uddannelse (Inuusutissarsiutinut ilinniagaqalersinnaanissamut piareersarfik akuerisaasoq)

## 6. Piareersarfiit siunnerfigisaat suliaraqfissatut

6.1 Nunatsinni nunattalu avataani<sup>2</sup> ilinniagaqarumallutik qinnuteqartut aqquutissiuutissallugit kiisalu suliffittaarniarlutik noqqaasut.

6.2 Inuussutissarsiornermik ilinniarfinni lærlingit aallartittut aamma pineqartut sungiusarlutik sulineranni malinnaaviginissaat.

6.3 Meeqqat atuarfianni atuartut 18-nit tikillugit ukiullit kommuunimi atuarfeqarfik suleqatigalugu

6.4 Ilinniagaqalernissamut suliffeqarnermulluunniit piginnaasaqarnerulerumallutik qinnuteqartut. Piareersarfiit suliassaminnik naammassinnissinnaasarnissaannut tunngaviussaaq Piareersarfinni ilitsersuisartut/aqquutissiuussisartut ilisimassammassuk qinnuteqaateqartut qanoq tunuliaqutaqarnerat tunngavigalugu Piareersarfimmi piginnaasaqarnerulersinnaanissaannut atasumik innersuussisinnaanissaq. Piareersarfiit immikkut katsorsaavittut ingerlanneqassanngillat<sup>3</sup>, taamaallaalli piginnaasaqarnerulerfiusussatut. Imaappoq, inuit piginnaasaqarnerulernissaannik Piareersarfimmut innersuussat pineqartunut kajumissuseqartuussapput, aammalu piviusorsioortumik tunngavilimmik periarfissaqassallutik ingerlassassamminnik naammassinnissinnaanissamik, kiisalu piginnaasaqarnerulernissaminnut ingerlassartik naammassigunikku ilinniagaqalernissamut suliffeqalernissamulluunniit ingerlariaqqissinnaanissamik.

6.5 Inuit katsorsarneqarnissaminnik pisariaqartitsisut, taamatullumi aamma Piareersarfiit neqeroortigisinnaasaannit allatigut malinnaavigineqarnissamik pisariaqartitsisut Piareersarfinnit innersuunneqartassapput kommunimi isumaginninnermik oqartussaasunut, tamatumuunakkut pineqartunut isumaginninnermik oqartussaasunit pitsaanerpaamik iliuseqartoqarsinnaanissaa pillugu suleqatigiittoqarsinnaaqqullugu<sup>4</sup>.

## 7. Suliassat

Kommune Kujallermi kommunalbestyrelsi inatsisit naapertorlugit suliassanik arlalinnik isumaginninnissamut akisussaasuvoq. Tamanna tunngavigalugu Kommune Kujallermi kommunalbestyrelsi matumani kiffartuussinissamik isumaqatigiissut malillugu suliassat matuma kingulliini taaneqartut isumagineqarnissaannut akisussaavoq.

### 7.1 Siunnersuineq

- Innuttaasut siunnersorneqarnissamik pisariaqartitsisut kiffartuuttarnissaat oqaloqatigiillunilu siunnersortinnikkut ingerlariaqqinnissamik neqeroorfigalugit.
- Suliffeqartunik pikkorissartitsinernillu pisariaqartitsisunik toqqartuineq (Aningaasat Inatsit naapertorlugu, PKU allanillu).

<sup>2</sup> Kalaallit Nunaanni ilinniartitaanermut inuussutissarsiutinillu siunnersuisarneq pillugu Namminersorlutik Oqartussat inatsisaat nr. 4, 29. november 2013-meersoq kap. 4, §18

<sup>3</sup> Katsorsaanertut pineqarput suliassat katsorsaasinnaanermik immikkut ilinniagaqarsimanissamik piimasaqaateqarfiusut, assersuutigalugu atorneluisuunermut katsorsaasarnerit imaluunniit inunnut tarnimikkut annertuunik ajornartorsioorteqartunut tarnip pissusaanik ilinniagaqarsimasutut ikorfartuisinnaasut (psykologit).

<sup>4</sup> Nuna tamakkerlugu aqquutissiuussinermut centerimut innersuussisoqartassaaq AEU-rtut, FA-rtut atuakkeriffiunngitsunilu Piareersarfip iluani ingerlatsisut ilinniartullu pineqartillugit.

- Inuussutissarsiutinut ilinniartinnut attaveqarneq pikkorissartitsinerit pillugit.
- Sumiiffinni nunallu immikkoortuini inuussutissarsiortunut qanimut attaveqarneq.

## 7.2 Ilinniartitaanerit pillugit tamanut atuuttumik aqutissiuussineq aammalu Ilinniartinnut lærlingit immikkuullarissumik aqqissuisarneq.

- Ilinniartitaanerit pillugit aqutissiuussineq.
- Nunatsinni ilinniartitaanernut qinnuteqarnissamut immersuiffiliat immersornissaannut ikiunnissaq, isumagalugulu pappialat ilanngussassat pisariaqartinneqartut tamarmik ilanngunneqarsimasarnissaat.
- Nunatsinni ilinniagaqarnissamut qinnuteqaatinik aammalu ilinniagaqarnersiuteqarnissamut qinnuteqaatinik tigooqqaallunilu ingerlatitseqqiisarneq.
- Nunatsinni inuussutissarsiutinut ilinniartinnut neqeroortigineqanngitsunut qinnuteqaatinik tigooqqaaneq: Tamanna Nuummi annerpaamik atugaasarpog.
- Ilinniagaqartut Kalaallit Nunaata avataanut ilinniartortutik angalanerannut atasumik bilitsinik inniminniissussisarnerit suliassallu allat pisariallit isumagisarnissaat.
- Ilinniagaqarnersiuteqarfimmur naluarnutiginittarneq.
- Inuit ilinniagaqarnissaminnik qinnuteqartut pillugit nalunaarsuillunilu paasissutissaannik katersineq, tak. nalunaarsuortarneq pillugu § 8.
- Inuussutissarsiutinut ilinniartitaanerni lærlingit ilinniagaqalernissaat sioqqullugu sungiusarlutillu sulinerisa nalaanni ilinniakkamut sungiusarlunilu sulinerimut aqutissiuussineq.
- Ilinniartut pillugit oqaaseqaasiortarneq.
- Inuussutissarsiutinut ilinniartitaanerni lærlingit Inuussutissarsiutinut ilinniartinnut aallarnissarinnannut atasumik piareersaasiortarnerit.
- Sungiusarluni suliffiusinnaasunik pissarsiniartarlunilu pineqartunut attaveqartarnerit.
- Sungiusarluni suliffiusinnaasumik akuersinissamut qinnuteqaatinik tigooqqaallunilu ingerlatitseqqiissarnerit.
- Lærlingit isumaqatigiissusiortarnerit.
- Inuussutissarsiutinut ilinniartinnut attaveqartarneq suliarmullu attuumassuteqartut pingasuit pineqartut oqaloqatigiissinneqartarnerannik (3-parts samtaler) isumaginnineq.
- Nunap immikkoortuani pisariaqarpat ilinniartinnut inuussutissarsiutinut attaveqartarneq.

## 7.3 Piginnaasaqarnerulerneq

- Innuttaasunik suliffissaaleqisunik pikkorissartitsinernut piginnaasaqarnerulerfiussannut innersuussillunilu misissuinerit aamma aqutissiuussisarnerit.
- Inunnik inuussutissarsiutinut ilinniagaqalernissamut piginnaasaqarnerulerumassunut AEU-mik (Inuussutissarsiutinut ilinniagaqalernissamut piareersarfik akuersaasoq) ingerlatsineq. Immikkoortukkuutaartunik (modulikkaartunik) misilitsinnernik ingerlatsisarneq AEU-milu atuartut pikkorissarmanerannik uppersaatinik tunniussisarnerit.
- Inunnik *Meeqqat atuarfianni inaarutaasumik nalililneq pillugu* Namminersornerullutik Oqartussat nalunaarutaat nr. 3, 9. januar 2009-imeersoq naapertorlugu piareersaataasumik ilinniagaqarnissamut piginnaasaqarnerulerumallutik meeqqat atuarfiannit soraarummeersitsinermik ingerlatsineq.

- Inuusuttunik suliffissaaleqisunik allanillu suliffeqarnermut piareersimasunngortitassanik ilinniartitaanikkut piareersaataasunillu ingerlatsinerit, ilanngullugit ilinniartitaanernut imaluunniit inuussutissarsiutinik ingerlataqartunut ingerlatitseqqiisarnerit, assersuutigalugit innunut atuagarsornikkut ingerlatsinissamut piareeqqanngitsunik inuttut ineriartortitsinermik ingerlatsinerit.
- Piareersarfinnut immikkut højskolinut ilinniariartornissamut innersuussisarnerit.

#### 7.4 Inuusuttut 18-it tikillugit ukiullit pillugit Kommuunimi atuarfeqarfiup suleqatigenera

- Kommuunimi atuarfeqarfik atuariit, meeqqat atuarii namminersortut, efterskolit, højskolillu aamma ilinniartiit ikaarsaariarneq pillugu ilitsersuinerisa piareersarneranni ingerlatsineranillu ikiorlugit
- atuartut naammassisut pillugit meeqqat atuariisa iliuusissatut pilersaarutaat suliarineqarnikut assilinerannik tigooraaneq atortullu aqutissiuussinermi atugassat pisariaqartut, tassunga ilanngullugit atuartut ataasiakkaat atuarnermik naammassinermut upernarsaataat karakterillu pillugit paasisutissat
- inuusuttunut immikkut aqutissiuunneqaratik ilinniarnermik aallartitsinissamik ingerlatsinissamillu inuussutissarsiornermilluunniit toqqaanissamik ajornartorsiuteqartunut ajornartorsiuteqartussanulluunniit siunnerfeqartumik aqutissiuussineq
- Inuusuttunut meeqqat atuariannit assigisaannilluunniit atuartussaataitaanermik naammassillutik atuarunnaarsimasunut, ilinniarnermik inuussutissarsiummilluunniit aallartitsisimangitsunut imaluunniit ilinniagaqarnermik unitsitsisimasunut ujartuilluni aqutissiuussisoqartassaaq
- inuusuttoq meeqqat atuarianni naammassereernerup kingorna ilinniarnermik inuussutissarsiornermilluunniit aallartitsisimangippat imaluunniit inuussutissarsiornermik ilinniarnermilluunniit taamaatitsisimappat inuusuttut taakkunungalu angajoqqaatut oqartussaassuseqartut suleqatigalugit ilinniarnissamut iliuusissatut pilersaarusiorneq
- Inuusuttunut meeqqat atuariannit iliuusissatut pilersaarusiorsimangitsunut ilinniarnissamut pilersaarutip sapinngisamik inuusuttup taamanikkut atuarfigisimasaa peqataatillugu suliarineqassaa qulakkeerlugu
- ilinniagaqarnermik iliuusissatut pilersaarutip piviusunngortinnissaa pillugu aamma anguniakkat nutaat nutartikkalluunniit aalajangersarnissaa pillugu inuusuttoq 18-it ataallugit ukiulik tassungalu angajoqqaatut oqartussaassuseqartoq pisariaqartitsineq malillugu minnerpaamilluunniit ukiumut ataasiarlutik oqaloqatiginnineq

#### 7.5 Suliffissarsiuussineq

- Suliffissarsiuussisarneq suliffinnillu innersuussisarneq suliffissarsiortunut aamma sulisussanik innersuussineq sulisitsisunut inuussutissarsiutinut tamanut kiisalu atorfinnut assigiinngiaanut
- Aqutissiuussineq kiisalu ilinniarnissamut qinnuteqaatinik suliaqarneq
- IT atorlugu suliffissarsiuussinermik innuttaasunut neqerooruteqarneq.
- Suliassaqartitsineq, piginnaangorsaaqqinneq ilinniaqqitsitsinerlu isumagissallugit.
- Iliuusissamik pilersaarusiorneq suliffissarsiortunut kiisalu Piareersarfimmi ingerlataqartunut
- Suliffissarsiortut CV-liornermik ikiorlugit



- Suliffeqanngitsunut pikkorissartitsinerit (ilaatigut PKU) aqqissuutissallugit peqataanissamullu piukkunnartorsiortassallutik.
- Sulisussaqtitsinermut inatsit naapertorlugu aqutsinissaq.
- Nuttarnissamut tapiissutinik qinnuteqaatinik tigooraaneq, innuttaasunut suliffik aallaavigalugu nuukkusuttunut
- Sulinngiffeqarnermi tapiissutinik qinnuteqaatinik tigooraaneq aamma suliaqarneq

## 8. Inernerisassatut anguniakkat

Naalackersuisut anguniagaraat ukioqatigiinnit 2015-imit meeqqat atuarianni naammassisunit 70%-it 35-nik ukioqalertinnatik inuussutissarsiutaalersinnaasumik ilinniarsimassapput.

Aqutissiuussinermit suliniummi anguniagaavoq Piareersarfiit atuartut naammassisut pillugit meeqqat atuariiisa iliuusissatut pilersaarutaat suliarineqarnikut assilinerannik tigooraaneq atortullu aqutissiuussinermi atugassat pisariaqartut, tassunga ilanngullugit atuartut ataasiakkaat atuarnermik naammassinermut upernarsaataat karakterillu pillugit kiisalu atuartunut atuarnermik naammassinnittunut iliuusissatut pilersaarutit meeqqat atuarianni suliarineqartut assilinerannik ilinniarnertuunngorniarni, inuussutissarsiutinut ilinniarni imaluunniit qitiusumik ilinniarni tigusaqarnissaat qulakkeerneqassaaq. 8.1 Tunngavissaritinneqarpoq kommunini ataasiakkaani inuusuttut allallu tunngaviusumik anguniakkat naapertorlugit piginnaasaqarfigilikkamik naammassinnittarnissaat, taamaasillutik inuusuttut allallu piginnaasaqarfigilikkamik ilinniartitaanermik amerlaneruleriartortut naammassinnissinnaasaleqqullugit (tak. § 4).

8.2 Ukiuni aggersuni aalajangersimasumik anguniakkat *ingerlatsinermit tapiissutit aamma inernerisassatut anguniakkat pillugit isumaqatigiisummut ilanngussamut ilanngutitinneqarsinnaapput.*

## 9. Nalunaarusiortarneq

9.1 Kommunalbestyrelsi pisussaataaavoq Piareersarfimmi aqqissuussarisartakkat pillugit ingerlaavartumik inaarutaasumillu naliliinernik ukiumut marloriarlutik suliaqartarnissamik, taakkulu Namminersorlutik Oqartussanut nassiuttarnissaannik. Nalunaarusiornermi paasissutissat minnerpaamik ilaatinneqartartussat *Piareersarfinni qitiusumik ingerlatsiviit suliaminnik ingerlatsinerat il.il. naliliisarneq pillugu Namminersornerullutik Oqartussat nalunaarutaat nr. 17, 16. oktober 2007-imeersumi* allassimapput. Nalunaarusiorneq ingerlanneqartassaaq Namminersorlutik Oqartussat Piareersarfinnut qarasaasiatigut atugassiaannut paasissutissanik ingerlaavartumik ilioraasarnikkut.

9.2 Nalunaarusiorneq Piareersarfinnut qarasaasiatigut atugassiaq iluaqutigalugu paasissutissat nalinginnaasumik tamanut atuutsinneqartut atorlugit pisassaaq. Programmi pineqartoq Namminersorlutik Oqartussanit aserfatsaaliorneqarpoq ineriartortinneqartuarlunilu.

9.3 Namminersorlutik Oqartussat aamma Kalaallit Nunaanni Naatsorsueqqissaartarfik Piareersarfiit aqqissuussarisartagaat pillugit naatsorsueqqissaarinikkut nalunaarsueqqissaarinikkullu paasissutissanik qaqugukkuulluunniit aallersinnaapput, tak. Piareersarfinni qitiusumik ingerlatsiviit suliaminnik ingerlatsinerat il.il. naliliisarneq pillugu *Namminersornerullutik Oqartussat nalunaarutaat*

nr. 17, 16. oktober 2007-imeersumi aamma Inuussutissarsiornermut, Aatsitassaqarnermut Suliffeqarnermullu Naalakkersuisoqarfimmut nalunaarsuisarneq pillugu najoqqutassiissut.

## 10. Nakkutilliineq

10.1 Namminersorlutik Oqartussat kiffartuussinissamik isumaqatigiissutip malinneqarneranik suliassallu suliarineqarnerannik qaqugukkulluunniit nakkutilliisnaatitaallutillu nakkutilliisussaataapput.

Namminersorlutik Oqartussat nakkutilliinerat marluinnik siunertaqarpoq: Aappaatigut ingerlaavartumik nalunaarutigineqartartut malinnaaffigisarnissaat isumannaarlugulu najukkami pineqartunik ineriartortitsineq Naalakkersuisut nuna tamakkerlugu kissaatigisaannut naapertuuttuunissaannik, aappaatigullu kommunit oqaloqatigisarnissaat, taamatullu suliatigut ikiorlugillu, ikorfartorlugillu ilitersortarnissaat - tamakku pisariaqartinneqarpata.

## 11. Sulisut

11.1 Kommunalbestyrelsip isumaqatigiissut una naapertorlugu ingerlatsinermi suliassanut ilanngullugu isumannaagassaraa allaffissornikkut aqutsinissaq, sulisunillu atorfinitsillunilu soraarsitsisarnissaq. Piareersarfinni sulisorineqartartussanut tunngavissarititaavoq qullersaqarnissaat, aqutissiuussisoqartassasoq ilinniartitsisartoqassasorlu, aammalu pisariaqartillugu allanik sulisoqartassasoq. Kommunalbestyrelsip kissaatissappagu faginut qullersamik qitiusumik inississimasumik Piareersarfinnilu najukkani inississimasunik aqqissuisoqassasoq, tamanna periarfissaassaaq kommunip tamatumingga aalajangernissaanik taamaallaat tunngaveqartumik.

Namminersorlutik Oqartussanit ingerlatsinermut tapiissutitut akiliutigineqartut, tak. *ingerlatsinermut tapiissutit aamma inernerisassatut anguniakkat pillugit isumaqatigiissummut ilanngussaq*, taamaallaat atorneqarsinnaapput ilitersuisartutut ilinniartitsisartullu kiisalu Piareersarfinni qullersamut aningaasarsiaqartitsinissamut. Taakku saniatigut pineqartunut atasumik aqqissuussaasartunut, assersuutigalugu ilinniartitaanermut suleqatigiinnermullu atatillugu angalanernut, pikkorissartitsinerni atortussanut aammalu ilinniartitsisarnerni atortunut. Kommunalbestyrelsip kissaatigippagu Piareersarfinni qullersat amerlassuserisassaasa saniatigut faginut qullersamik atorfinitsitsisoqassasoq, taamatut atorffimmut aningaasartuutissat kommunip kisimi isumagissarsarissavai.

11.2 Kommunalbestyrelsi Piareersarfinni sulisunik katiterinerminnut atatillugu isumagissavaat sulisoqatigiiaat ima amerlatigalutillu ima katitigaassasut pisariaqartitanillu ima piginnaasaqassasut pisinnaasaqarlutillu isumannaarsinnaassallugu suliassanik isumaginninnerup pitsaassusilimmik piginnaasaqarfiusumillu ingerlanneqarsinnaangorlugit, taamaasilluni inernerisassatut anguniakkat anguneqarsinnaaqqullugit. Taamaattumik sulisut ilinniartitaanikkut misilittakkamikkullu tunuliaqutarisaat Piareersarfiit suliassaannut anguniagassaannullu naleqquttuussapput taamaasilluni innuttaasut Piareersarfiup ataani qaffassaanermik neqeroorummi ingerlatsisut aqutissiorneqartullu piginnaanitsitsisumik piareertarnissaat anguniarlugu. Piareersarfinni sulisunut piginnaangorsarnerunissamut neqeroorutit Namminersorlutik Oqartussanit isumagineqassapput.

11.3 Sulisut aningaasarsiatigut atorfeqarnermilu atugarisaat pisortat isumaqatigiissutaannut isumaqatigiissusaannullu ilaatinneqarput, Nunatsinni Naalakkersuisut kattuffiillu pineqartunut

isumaqatiginninniarsinnaatitaasut akornanni isumaqatigiissusianut – ilaallutik kommunini suliamik ilinniagaqarsimasutut qullersatullu tjenestemanditut atorfeqartitanut aningaasarsiatigut sorlermut inissinneqarnissamut isumaqatigiissut (klassificeringsaftale) aammalu Piareersarfinni faglærerinut qullersanullu piffissaq suliffiususaaq pillugu isumaqatigiissut.

11.4 Kommunalbestyrelsimut periarfissaavoq kommunimi meeqqat atuarfianni ilinniartitsisumik amerlanerusunilluunniit Piareersarfimmu kommunilluunniit ingerlataqarfianut allamut nuussisinnaanissaaq. Tamanna pisinnaavoq *Meeqqat atuarfianni sulisorisat Namminersornerullutik Oqartussani Nunatsinnilu kommunini sulisinnaanissannut isumaqatigiissut (katigussamik atorfinitsitsineq)* naapertorlugu, taamatullu IMAK-ip aamma Nunatsinni Naalakkersuisut 2008-mi isumaqatigiissutigisaat.

11.5 Namminersorlutik Oqartussat ikiuussinnaavoq sulisunik piukkunnartunik atorfinitsitsinissamut.

## 12. Suliffittut aaqqissuussaanaera

12.1 Kommunalbestyrelsi matumani kiffartuussinissamik isumaqatigiissuteqarnikkut pineqartumut inatsisiliat naapertorlugit suliassanik isumaginninnissamik pisussaaffilerneqarpoq. Piareersarfiit naalakkersuinikkut allaffissornikkullu aaqqissuussivigineqarnerat kommunalbestyrelsimi aalajangikkat tunngavigalugit ingerlanneqassapput, taamatullu suliassat naapertuunnerpaamik sularineqarnissaannut najukkami pissutsit mianeralugit.

Kommunip tamanna kissaatigippagu Namminersorlutik Oqartussat Piareersarfiup suliffittut aaqqissuussaanaassaa pillugu suliatigut ikorfartuisinnaapput.

12.2 Piareersarfiit ataanni suliassat assigiinngitsut aaqqissugaanerat sumilu inissisimatinneqarnerat innuttaasunut erseqqissuussaaq. Ilutigalugu tunngavissaritinneqarpoq Piareersarfiit saaffissap ataasiinnaanissaanik § 2-mi nassuiaatigineqartutut tunngavissaritinneqartoq periarfissaatillugu sapinngisamik malissinnaassagaat.

## 13. Aningaasaqarneq

13.1 Piareersarfiup ingerlanneqarneranut ineriartortinneqarnissaanullu aningaasartuutit kommunip akiligassarai. Aningaasalersornera ilaatigut pisarpoq Namminersorlutik Oqartussanit ingerlatsinermut tapiissuteqartarnikkut, ilaatigullu aaqqissuussarisartakkanut kommunip assinganik tapeeqataasarneratigut. Aningaasalersuinerit suliassat naammassinissaannut naammattunik atugassaqartitsinissamut ataatsimut isumannaarutaassapput. Ukiunut aningaasanut inatsiseqarfiusunut atatillugu ingerlatsinermut tapiissutit annertussusissaat ingerlatsinermut tapiissutit aamma inernerisassatut anguniakkat pillugit isumaqatigiissummut ilanngussami nassuiaatigineqarput.

13.2 Namminersorlutik Oqartussat sinnerlugit Inuussutissarsiornermut, Suliffeqarnermut Niuernernullu Naalakkersuisoqarfik ingerlatsinermut kommunimut ukiumoortumik tapiissuteqartarpoq. Ingerlatsinermut tapiissutit 80%-ii ukiut tamaasa 1. februar akilernerqartarput. Sinneruttut 20%-ii ukiumi pineqartumi 1. oktober killigalugu akilernerqartarput kiffartuussinissamik isumaqatigiissummi aamma isumaqatigiissummut ilanngussami isumaqatigiissutit

naapertorneqarsimagaangata. Taamaattoqarsimangippat naalackersuisoqarfiup kommunimut ingerlatsinermut tapiissutinit sinneruttut 20%-ii uninngatissinnaavai kommunalbestyrelsi naammaginantumik nassuiaateqartinniarlugu. Taamaaliortoqangippat naalackersuisoqarfiup kommunimut ingerlatsinermut tapiissutit 20%-ii akilinngiinnarsinnaavai pisariaqarpallu suleqatigiinninerup unitsinneqarnissaanut iliuseqarluni, tak. § 14. Ingerlatsinermut tapiissutit tamarmiusut ukiumut aningaasanut inatsiseqarfiusumut taamatullu ingerlatsinermut tapiissutinik akiliuteqarfiusumut tamarmut matussutaassapput. Kommunalbestyrelsi ingerlatsinermut tapiissutinik allaffissornikkut aqutsinermut akisussaavoq, taamatullu Namminersorlutik Oqartussanut § 8.1 naapertorlugu nalunaarusiortartussaataalluni.

Namminersorlutik Oqartussat Inuussutissarsiutinut ilinniartitaanerni lærlingiinut atasumik suliassanut tapiissutigisartagaat aqqissuussarisartakkallu ilinniartut amerlassusiat tunngavigalugit annertussusilerneqartarput, aalajangiunneqartarlutillu ukiumut tulliuttumut Aningaasanut Inatsisissamut sammisumik ukiup aningaasaliissuteqarfiusussap siornani ilinniartorisat amerlassuserisaat ukiumoortumik 1. oktober killigalugu.

Piareersarfinnut tapiissutit allat tassaapput ingerlatsinermut aalajangersimasumik tapiissutit.

13.3 Ilinniagaqarnersiutit aningaasaliissutigineqartarput Piareersarfinni ilinniagaqartussatut amerlassusiliussat malillugit. Amerlassusissaat ukiumoortumik isumaqatigiinniutigineqarlutillu aalajangersarneqartarput ingerlatsinermut tapiissutigiumaagassatut nalunaarutigisanut atatillugu.

Kommunalbestyrelsi isumaqaruni ilinniartorisassatut amerlassusiliussat aaqqiivigineqarnissaat pisariaqartoq, kommunalbestyrelsi naalackersuisoqarfimmuut tamanna pillugu allakkatigut tunngavilersukkamik qinnuteqaateqarsinnaavoq. Qinnuteqaat ilinniartorisassatut amerlassusiliussat pioreersut, ilinniartitsisoqarneq ininillu periarfissaallutillu atorsinnaasat pillugit nassuiaammik ilaqartinneqassaaq. Amerlassusiliussat aaqqiivigineqarnissaannik tunngavilersuut tamakkiinngitsutut nalilerneqarpat naalackersuisoqarfik qinnuteqaammik pineqartumik qaqugukkulluunniit ittigartitsissuteqarsinnaavoq, tunngavilersuut tamakkiisumik naammassinissaanut.

13.4 Ingerlatsinermut tapiissutit aamma inernerisassatut anguniakkat pillugit isumaqatigiissummut ilanngussaq naapertorlugu ingerlatsinermut tapiissutit kommuninut ataatsimut tapiissutaasartut pillugit siumoortumik nalinginnaasumik procentiliussaasartunut atatillugu akit aningaasarsiallu qaffakkiartornerat malillugit iluarsivigineqartarput. Taakku saniatigut ilinniartoqassuseq malillugu suliassat inuussutissarsiutinut ilinniartitaanerni lærlinginut sammisumik atuuttut iluarsivigineqartarput aammalu pisariaqarpat suliagarfiit iluanni isumaqatigiisutit naapertorlugit aningaasarsiatigut immikkut ittumik qaffaataasinnaasut iluarsisutaasarlutik.

13.5 Ukiumut aningaasanut inatsiseqarfiusumut 2015-mut ingerlatsinermut ataatsimut tapiissutaajumaartussat takuneqarsinnaapput ingerlatsinermut tapiissutit aamma inernerisassatut anguniakkat pillugit isumaqatigiissummut matumani ilanngussami. Kommunimut ingerlatsinissamut tapiissutissatut naatsorsuutigisat siunissami nalunaarutigineqartassapput ukiup aningaasanut inatsiseqarfiusussap siornani oktobarip qaammataani imaluunniit kingusinnerpaamik ukioq aningaasanut inatsiseqarfiusussaq pillugu aalajangeereernerup kingorna. Isumaqatigiisusiorneq 1.

januar 2015 kingorna pippat isumaqatigiissusiornermi 2015-p naanissaata tungaanut piffissamut naapertuussakkamik naatsorsorlugu tapiissuteqartoqassaaq.

13.6 Kommunalbestyrelsip pisussaaffigaa Piareersarfimmut illunik atugassaritinneqartussanillu piukkunnartunik pissarsinissaq, taamatullu aamma pineqartunik ingerlatsineq aserfallatsaaliisarnerlu isumagisassaralugit. Illuutinut atugassaritinneqartunullu atasumik sullivinnik avatangiisit pillugit inatsimmi qaqugukkulluunniit piumasaqaatit atuuttut maleruaaffiussapput. Illut Piareersarfinnut atorneqartussat najukkami sapinngisamik qitiusumiitinniarneqartassapput, taamaasillutik kommunimi innuttaasut Piareersarfimmut orniguffigisassaap sapinngisamik saqqummilaarlunilu naapertuuttumik inissisimatillugu.

13.7 Kommunalbestyrelsi kommunimi kollegianik ingerlatsinermik nakkutilliinermillu akisussaasuvoq.

13.8 Kommunalbestyrelsi nalinginnaasumik missingersuusiortarnerminut atatillugu Piareersarfimmut ukiumoortumik missingersuusiortassaaq. Kommunalbestyrelsitaaq nalinginnaasumik naatsorsuusiortarnerminut atatillugu Piareersarfimmut ukiumoortumik naatsorsuutit suliarisassavai.

#### 14. Akerleriissutit, maleruaannginnerit aamma kalerriisarnerit

14.1 Matumani isumaqatigiissut killissarititaasunik isumaqatigiissutaavoq. Isumaqatigiissutip imarisaata qanoq paasineqarnissaanik isumaqatigiinngittoqalerpat illuatungeriit isumaqatiginninniarnermikku isumaqatigiissinnaanissartik ujtartussavaat. Tunngavissaritinneqarpoq illuatungeriit illugiillutik pitsaasumik siunnerfilimmik isumaqatiginninniarumassuseqassasut.

14.2 Namminersorlutik Oqartussat matumani isumaqatigiissut maleruanngippassuk, kommunalbestyrelsip isumaqatigiissut atorunnaarsissinnaavaa qaammatinik arfinilinnik siumut kalerreereernikkut. Namminersorlutik Oqartussat tamanna sioqqullugu allakkatigut kalerrinneqareersimassapput kommunalbestyrelsip kissaatigigaa isumaqatigiissut atorunnaarsikkumallugu, taamatullu siunnersuuteqassalluni isumaqatigiinngissutaasimasinnaasut piffissaliussami qaammatit sivisunerpaamik marluk ingerlaneranni qanoq aaqqiivigineqarsinnaanerannik. Kommunalbestyrelsi piffissaliussap pineqartup qaangiunnerani sulii kissaatigiguniuk isumaqatigiissut atorunnaarsinneqassasoq, kommunalbestyrelsi Namminersorlutik Oqartussanut tamanna pillugu nalunaaruteqassaaq isumaqatigiissut qaammatinik arfinilinnik sioqqutsisumik kalerreereernikkut atorunnaarsinniarlugu. Ukiumut aningaasanut inatsiseqarfiusussamut aggersumut tapiissutissat pillugit inaarutaasumik nalunaaruteqartoqarneranut sanilliullugu annertuumik allannguuteqartoqarsimappat kommunalbestyrelsip isumaqatigiissut atorunnaarsissinnaavaa ukiup aningaasanut inatsimmik atuuffiusup naanissaanut.

Kommunalbestyrelsip matumani isumaqatigiissut malillugu imaluunniit ilanngussami suliasatut taasat isumagisassat maleruanngippagit Namminersorlutik Oqartussat isumaqatigiissut atorunnaarsissinnaavaat qaammatinik arfinilinnik siumut kalerreereernikkut. Kommunalbestyrelsi tamanna sioqqullugu allakkatigut kalerrinneqareersimassaaq Namminersorlutik Oqartussat kissaatigigaat isumaqatigiissut atorunnaarsikkumallugu, taamatullu siunnersuuteqassallutik isumaqatigiinngissutaasimasinnaasut piffissaliussami qaammatit sivisunerpaamik marluk ingerlaneranni qanoq aaqqiivigineqarsinnaanerannik. Namminersorlutik Oqartussat piffissaliussap pineqartup

qaangiunnerani suli kissaatigunikku isumaqatigiissut atorunnaarsinneqassasoq, Namminersorlutik Oqartussat kommunalbestyrelsimut tamanna pillugu nalunaaruteqassapput isumaqatigiissut qaammatinik arfinilinnik sioqqutsisumik kalerreereernikkut atorunnaarsinniarlugu.

Ima pisoqarpat kommunalbestyrelsip suliassatut isumaqatigiissutaasimasut ingerlassinnaajunnaarlugit imaluunniit inernerisassatut anguniakkat angusinnaajunnaarlugit, kommune pisussaavoq Namminersorlutik Oqartussanut tamanna pillugu erngerluni nalunaaruteqarnissaminik. Ajornartorsiummut pissutaasoq pillugu sukumiisumik tamakkiisumillu nassuiaateqartoqassaaq, taamatullu kommunip pisumut aqqiissutissatut nammineerluni siunnersuutaa ilanngunneqassalluni. Taamatutaaq sukumiisumik tamakkiisumillu nassuiaatigineqassaaq kommunip siunissami suliassat qanoq ingerlanniarnera inernerisassatullu anguniakkat qanoq anguniarnera. Inernerisassatut anguniakkanik amigartumik uteqqiasumillu angusaqartannginnerit imaluunniit pineqartunik malinnaatitseqqittannginnerit annertuumik maleruaannginnertut nalilerneqassapput, taamatullu aamma suliarineqassallutik.

#### 15. Atuutilernera, atortussaaitaanera,

##### isumaqatigiinniutigineqaqqinnera aamma atorunnaarsinnera

15.1 Matumani isumaqatigiissut 1. januar 2015 aallarnerfigalugu atuutilerpoq, atuutissallunilu piffissami 1. januar 2015-miit 31. december 2015-p tungaanut.

15.2 Piffissami isumaqatigiissuteqarfiusumi isumaqatigiissummut uunga atasumik allannguutunik annertuumik pisoqarpat illuatungeriit arlaata qaammatinik pingasunik sioqqutsisumik kalerreereernikkut isumaqatigiissummik isumaqatigiinniaqqinnissaq piumasarisinnaavaa. Isumaqatigiinniaqqissinnaatitaaneq maleruaanngitsoqarneratigut pisinnaatitaffigisanik atuuttunik atuinissamut, tak. § 14, killiliisinnaangilaq.

15.3 Isumaqatigiissut qaammatinik arfinilinnik sioqqutsisumik kalerreereernikkut illugiimmik atorunnaarsikkumaneqarsinnaavoq. Isumaqatigiissut atorunnaarsikkumaneqarpat Namminersorlutik Oqartussat pisussaatinneqalissapput suliassanik inuussutissarsiutinut ilinniartitaanernut aqqiissuussarisat pillugit suliassat isumagineqarnissaannik, taamatullu matumani isumaqatigiissutip atsiorneqannginnerani aningaasartuunik agguataarinissamut tunngavissaritinneqartutut atuuttut tunngavigalugit.

Namminersorlutik Oqartussat sinnerlugit

---

Kommune Kujalleq sinnerlugu

---